

Argovv.

590

Argovv.

Argovia, vulgo *Argovv*, pars fuit *Regni Transjurenſis*, quod quidquid a Iura monte, ad Alpes usque excurrerat, (cui quondam Helvetii, Rauraci & Allobrogum pars, hodie vero Sabaudia Ducatus, ac Vchtlandia, Brisgovia, Suntgovia, Cremerlandia & Tigurinensis Præfectura sive Helvetiorum hodiernorum pagi tenent) comprehendebat. Hac autem Tabula *Lucerna, Vren, Surviz, Undervald*,

Lucerna urbs.

Glarona pagi pro maxima sui parte continentur. *Lucerna* Helvetiorum urbs quam Meyerus *Lacocernam* nominat, sita est ad fluvium *Rusam* qua is effluit ex Lacu amplo, & per quem ad tres pagos navigatur, ad pedem altissimi montis, quem *Fractum & Pilati Montem* vulgo nuncupant. Lacus urbi commodus est, quod hinc iter sit in Italiam per Alpes Lepontias, quem *Montem S. Gothardi* hodie nominant; hinc merces ad Alpes subvehuntur, indeque in Italiam clivellariis lumentis, & vicissim Italica Merces per Lacum & *Rusam* fluvium in Rhenum ac porro in Oceanum descendunt. Habent autem *Lucernates*, majorem fere commoditatem ex Lacu, quam ex adjacente solo, tametsi eximia quoque habeant prata, & pabula pecoribus nutriendis idonea. Urbs est satis amœna & elegans, dignitate ac opibus permultis, commune emporium *Suitenſium*, *Vranorum* & *Transilvanorum*. Origo urbis incerta est: utrinque ad flumen extitisse castella singula traditur (hodie sunt *Civium ædes*) quæ ab *Alemannis* extructa creduntur. Nomen accepisse videtur a *Lucerna* quæ forte illic in usum navigantium noctu ponebatur, atque huic rei credibile est, inservisse turrin illam vetustam, quæ ad superiorem pontem hodie ab aquis nomen habet, qualis & *Tiguri* cernitur a fluctibus *VWellenbergæ* dictæ. *Pharos* antiqui turres hujus generis appellarunt. Tradunt *Annales domestici* *Lucernates* *Carolo Magno* adversus *Saracenos* militasse, & ab eo cum privilegiis quædam consequutos, tum *Cornuum* usum, quibus adhuc classicum tempore belli canunt. Penes *Canonicorum Collegium* maxima hic quondam potestas fuit. Quod in potestatem deinde *Abbatibus Murbacensis* ex donatione *Pipini Regis* pervenit. Tum *Albertus Austrius* Imperator, *Lucernam* a *Murbacensi Abbate* emit. Sed non ita multo post, *Lucernates* sub *Austrii* Imperio, gravibus oneribus pressi, pacis & libertatis amore anno *MCCCXXXII* fœderi nomen subscripsere. Præfecturæ *Lucernatum* quæ a *Mercatore* recensentur, duæ sunt, in quibus Præfecti ibidem loci habitant, *Wikenſis*, *Wiken*, opinor: & *Sempach*. Sed Præfectus hujus nullum jus in *Opidum* habet, tantum *Lacui* & *Piscationi* præest. Reliquas administrant *Senatores* in *Urbe* manentes, quæ sunt: *VWillſchov*, *Entlibuchia Vallis*, *Rotenburg*, forte *Rott*, aut locus aliquis illi proximus: *Habsburg*: *Berona* cum vicino Agro *Chelamt*, id est *Michaelis Præfectura*, dicto, *Merſchvanden*; *VWaggis*; *Ebiscona*; *Horba*; *Krientz*; Item 11. *Urbes Surſeium & Sempachium* in *Clientela* sunt *Lucernatum*: habent tamen proprium *Consilium*, quod *Causas tam Civiles, quam Criminales* judicat: sed *Princeps Consilii Surſei Scultes* dictus, *Insurgendum* dat *Lucernatibus*. *Sempachii* vero a *Senatu Lucernate* deligitur, at tamen ex *Civium Sempachianorum* numero. Sequuntur *Pagi*, *Uriorum*, *Vraniorum* sive *Vrania*. Hujus *Incolas* tempore *Iulii Caesaris*, appellarunt *Romani Tauriscos*, & nomen *Vri* quo hodie nuncupantur, putatur originem duxisse ab *Uranis*, quos *Veteres Tauriscos*

Imperium majorem.

Vriorum pagus.

Habsburg